

民國史料叢刊

198

張研 孫燕京 主編

政治・政權機構

奉天全省警甲報告書 卷上<一>



大象出版社

K258.06

3

(198)

民國史料叢刊
198

張研 孫燕京 主編

政治・政權機構

奉天全省警甲報告書 卷上Ⅷ—Ⅴ

 大象出版社

圖書在版編目 (CIP) 數據

民國史料叢刊／張研 孫燕京 主編

—鄭州：大象出版社，2009.2

ISBN 978-7-5347-5439-5

I. 民… II. 張… III. 中國—近代史—史料—民國

IV. K258.06

中國版本圖書館CIP數據核字 (2009) 第022264號

民國史料叢刊

張研 孫燕京 主編

政治·政權機構

總策劃 耿相新

責任編輯 楊吉哲 王莉娜

封面設計 劉冬王

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890×1240 1/32

印張 12.75

總定價 180000.00元

若發現印、裝質量問題，影響閱讀，請與承印廠聯系調換。

印廠地址 北京經濟技術開發區運成街甲6號

郵政編碼 100176 電話 (010) 67889166

奉天全省警甲報告書卷上

于君濟川辦理奉天警察保甲垂三年本年十月將去職詰戎政念累歲措注不可無輯錄以資考鏡乃撮其規則文牘圖表爲報告書余既加瀏覽而益歎吾奉之警甲誠規摹燦具而有非內地各省之所可幾及者焉夫今之整頓內政者經緯萬端樊然殽雜而要其施設基址則布於官者厥維警察而鳩之於民者實賴保甲爲輔助警甲不完而欲漸內政之修舉厥道固亡繇也吾奉自清末改省一切施以內地之制其時省垣警政固已綱舉目張而惜其未推暨於邊遠至各縣預警保衛團之設亦且良窳不齊往往遐陬僻壤邏誦稍疏寢至黠寇披昌不免假軍隊以痛加擻艾雖草薶禽獮盡根株痛斷而元氣已凋耗多矣民國五載以還王君岷源兼任省長壹意以休養爲務迺改保衛團而規復保甲而濟川之於警甲也亦復竭慮

殫精力謀擴展絲是釐區域簡士官宏教育庀械彈罔不實事以求
其是推之各屬類多能自扞衛即十室之邑無或敢藪蠹而藏姦洎
乎壬甲之際兩次出兵警察之驍果者或荷戈赴戰地而保甲亦多
能效職以承其後其時省垣按堵閭里毗庶羣優游於塵肆畎畝而
未易其常以素稱難治之區曾不聞有苛慝之作視內地之兵匪迭
乘民不堪命者則夔不侔矣豈非警甲星羅而圍暴之得其道乎是
故今日之治惟警甲完善而後鄉里可無藉於兵亦惟警甲鞏固而
後可萃散處之兵以從事教練警甲之與軍隊固相輔而相成也雖
然法無積久而不敝善圖治者所貴乎適時通變而不惟故轍是拘
後之踵是任者尙其擴所未竟而勿以守而勿失爲克盡職責哉

中華民國十四年國慶後五日張作霖序

序

周禮小司徒一職均土地以稽人民而周知其數故凡一縣一閭一鄉一遂莫不各有所謂師者掌之而司饒之詰奸禁暴尙不隸焉以其與夏官大司馬所掌相表裏也豈非立法至善與今東西各國警察之制適合者哉夫警察者行政權之所寄而社會賴以保持安寧爲世界所汲汲講求而日求完善者也雖然警察之章則求完善易而警察之程度求完善難警察之形式求完善猶易而警察之精神求完善則更難唯警察之程度精神求完善難故不得不先有章則形式以爲訓練之藉此雖治之具而非制治清濁之源要不能不以此爲入手之軌途故凡執行所經調查所得有可互相參考以促其程度精神之進步完其章則形式之成功者皆不能不力求詳備以

資改進此則警察經過報告書誠爲不可忽視者矣警察官吏之閱斯書者倘能鑒別既往之得失疏密以研究將來之補救因應則警察行政庶幾因功涉用日新月異焉是則社會所期於警察而警察之亟當自勗者胥在是矣十四年秋王永江序於奉天省長公署

竊維警察爲國家內務行政機關保甲爲地方人民自衛團體良以詰奸刑暴端賴警察誠列強之通制清盜平賊尤資保甲乃歷代之遺規也第奉省之保甲曩附於省縣署中警處原合於省警廳內珍自壬戌秋奉令總辦全省保甲而省城暨各縣甫設獨立機關始與警察並峙旋又承乏警務處長爲注重全省警政遂與警廳分而爲二冀指揮部屬便利復將警處與保甲公所併而爲一謀節儉經費雖兼職而不兼薪溯任兼職以還對於擴充保甲改善警政惕勵精勤靡遑夙夜闢清鄉局舊址復加修葺而建築之圖辦公敏捷將處所分級治事而改組之仰承長官指導俯資僚掾匡襄次第推行規模粗備常思奉省巨患厥惟盜賊之充斥設使匪患不能肅清何以保護社會安寧維持地方秩序耶顧剿匪首重實力而警甲所需之

槍彈因兵工廠製造有限省庫存儲未裕時虞不給爰創設修製械彈廠則各縣剿捕之軍火賴以充牣釐訂教練傳習各班之課程以儲備警才因警甲消息滯塞上下情形每感隔闕特設編輯彙報處每週刊發一冊分發各屬瀏覽以期啓迪士丁常識提倡警甲精神俾其息息相通也迨甲子秋討伐賄選鎮威軍興兵隊出動地方防務驟顯空虛所有維持地面治安協助軍事進行徵發車馬壯丁運輸糧秣餉糈與夫看守鐵路保護電線探訪間諜稽查奸宄諸大端胥督促而厲行之當戰事方殷風鶴頻驚之會人心惴惴市井惶惶彼盜賊未敢蠢動暴徒未克乘隙肆擾者則劃區聯防以衛閭閻組隊游擊以遏醜類就事論事各屬警甲佐理諸彥不無微勞可紀也茲者軍事底定各縣警甲漸趨一致擬將三載經過事實纂輯警甲

報告書非敢自詡成績足錄委因形跡具存公諸社會藉以就正有道質之

高明以蘄棄短而取長而已至將來之沿革損益後望彌殷增減弛張期許綦切復冀海內

宏達有以繩愆而糾正之則無任翹跂歡迎之至書將成帙謹次其緣起之崖畧如左云

中華民國十四年七月于珍序

奉天全省警甲報告書

例言

一本書依據全省警務處暨全省保甲總辦公所經過設施與改革事跡彙輯成編故定名曰奉天全省警甲報告書

一編輯年限自民國十一年七月起至十四年七月止

一全書體例分爲四編一章則二公牘三圖表四雜錄而以各種攝影并諸篇首

一所輯章則均係遵照現行法令並參酌本省情形由處所中分別規定呈經省署核准公布者其部頒暨普通規章早經通行者不載至各廳各縣所所訂之章則效力限於局部未經通令全省者概列於附編以示區別並於文尾註明以清門類

一所輯公牘均係關於改進整頓及往來緊要之文件其例行公文與應嚴守秘密者不錄

一書中各表除遵照部頒統計表式外並由調查所得詳確填列藉供參考

一公牘類之附件或附原文之後或編入章則雜錄兩類以內且均於文尾註明至於無甚關係者概從刪略

一本書編輯匆促合兩機關三年中所歷事蹟萃於一編難免掛漏閱者諒之

張 軍 將 上 威 鎮



王 長 省 天 奉

所輯公牘均係關於政進
典應嚴守秘密者不錄
香中各表除還照
部頒統

新供參考

公牘類之

於文尾註

本書編輯

周著錄之

